



Cymdeithas Eisteddfodau Cymru

# ADRODDIAD BLYNYDDOL 2019



[www.steddfota.org](http://www.steddfota.org)

CYMRAG



## CYFLWYNIAD Y CADEIRYDD

Blwyddyn arall wedi mynd heibio yn hanes y Gymdeithas, blwyddyn sydd wedi bod yn eitha' llwyddiannus ar y cyfan yn hyrwyddo a chynorthwyo Eisteddfodau lleol Cymru.

Dyma ni mewn Eisteddfod Genedlaethol arall yn mwynhau wythnos o ddigwyddiadau diwylliedig ar eu gorau. Rhaid dathlu uchafbwyntiau blwyddyn arall o ymroddiad swyddogion a gwirfoddolwyr yr eisteddfodau lleol drwy Gymru yn gyffredinol, gan obeithio eich bod wedi cael eisteddfodau llwyddiannus yn eich ardaloedd, ac y cewch gyfle i weld rhai o'ch enillwyr yn cyrraedd y llwyfan mawr yma yn Llanrwst yr wythnos hon. Cofiwch mai'r eisteddfodau lleol sydd yn rhoi'r platfform i'r cystadleuwyr i ddechrau ar y daith i berfformio ac i feithrin y dalent o ymddangos o flaen cynulleidfa.

Mae'r flwyddyn ddiwethaf wedi bod yn un brysur iawn i ni fel Cymdeithas, gyda thipyn o gydweithio gyda gwahanol garfannau o bobl a mudiadau, yn cynnwys pwyllgorau'r eisteddfodau lleol a chenedlaethol, cystadleuwyr, beirniaid, cyfeilyddion ayyb. Mae'r cydweithio rhwng y Gymdeithas a swyddogion y ddwy brifwyl yn dal i ddwyn ffrwyth, a gobeithir y bydd rhagor o gydweithredu yn digwydd yn y dyfodol er budd pawb sydd yn gweithio a gwirfoddoli er lles byd yr eisteddfodau.

Erbyn hyn rydym yn gweld bod mwy o ddefnydd yn cael ei wneud o'n gwefan a bod cynnydd wedi bod yn y rhaglenni sydd yn ymddangos arni ac yn cael eu lawrlwytho. Rydym hefyd yn gweld mwy o ganlyniadau a lluniau yn ymddangos arni - hyn yn arwydd bod modd marchnata eich eisteddfod yn rhad ac am ddim i ddarpar gystadleuwyr drwy ddefnyddio'r wefan. Rydym wedi gweld cynnydd mawr yn y bobl sydd yn defnyddio ein tudalen ar "Facebook" a "Twitter", sydd yn ychwanegu'r modd yr ydym yn medru hysbysebu negeseuon a chysylltu gydag eraill yn rhwydd ac am ddim. Mae'n bwysig ein bod yn defnyddio'r cyfryngau hyn er mwyn ehangu'r neges am waith y Gymdeithas. Hefyd mae mwy o bobl wedi tanysgrifio i dderbyn 'Steddfota, sef newyddlen y Gymdeithas yn ystod y flwyddyn. Hyn eto yn brawf bod y diddordeb mewn digwyddiadau eisteddfodol ar i fyny.

Wrth derfynu rwyf am dalu teyrnged enfawr i'm cyd swyddogion, i aelodau o'r pwyllgor ac i Shân a Lois yn bennaf am eu gwaith diflino er budd y Gymdeithas, ac wrth gwrs er lles ein heisteddfodau ym mhob cwr o Gymru.

Megan

# CYFARFOD BLYNYDDOL CYMDEITHAS EISTEDDFODAU CYMRU AWST 2019

## AGENDA

1. Croeso gan y Cadeirydd – Megan Jones Roberts
2. Seremoni i anrhydeddu gwirfoddolwyr sydd wedi gweithio'n ddiflino er budd eisteddfodau lleol yn y Gogledd dros nifer fawr o flynyddoedd

## Cyfarfod Blynyddol

Sgwrs fer gan Aled Roberts, Comisiynydd y Gymraeg

3. Ymddiheuriadau
4. Cofnodion y cyfarfod diwethaf - Awst 2018
5. Unrhyw faterion yn codi
6. Sylwadau byr gan y Cadeirydd am ddatblygiadau'r flwyddyn
7. Derbynn yr adroddiad ariannol
8. Ethol Swyddogion
  - Cadeirydd
  - Is-gadeirydd
  - Trysorydd
  - Ysgrifennydd
9. Unrhyw fater arall o bwys

**GWIRFODDOLWYR SY’N CAEL EU HANRHYDEDDU ELENI**

**Enw**

Miss Jean Bennett  
 Mr. Alun Watkin Bunford  
 Arthur Davies  
 Dei Davies  
 Gwilym Bryniog Davies  
 Mrs. Glenys Davies  
 John Talog Davies  
 Mrs. Sydna Ellis  
 Mrs. Gaynor Evans  
 Julia Evans  
 Mr. Gwyn Griffith  
 Mrs. Ann Jones  
 Mrs Ann P. Jones  
 Evan Jones  
 Frances P. Jones  
 Mr. Idris Jones  
 Idris Alan Jones  
 Jean Jones  
 Mair Jones  
 Mrs. Mari Jones  
 Mrs. Nesta Jones  
 Rob Lewis Jones  
 Mrs. Meryl Metcalfe  
 Thomas Morris  
 Tom Morris  
 Mr. R. Derfel Roberts  
 Mrs. Mary Roberts  
 Mrs. Aelwen Williams  
 Dilys Williams  
 Gwen Williams

**Eisteddfod**

Eisteddfod Gadeiriol Llanegryn  
 Eisteddfod Gadeiriol Trefeglwys  
 Eisteddfod Bethel, Melin-y-Coed  
 Eisteddfod Bethel, Melin-y-Coed  
 Eisteddfod Bethel, Melin-y-Coed  
 Eisteddfod Gadeiriol Treuddyn  
 Eisteddfod Gadeiriol Llanrhaeadr ym Mochnant  
 Eisteddfod Gadeiriol Aelhaearn  
 Eisteddfod Gadeiriol Dyffryn Conwy, Llanrwst  
 Eisteddfod Gadeiriol Llanrhaeadr ym Mochnant  
 Eisteddfod Gadeiriol Treuddyn  
 Eisteddfod Gadeiriol Dyffryn Conwy, Llanrwst  
 Eisteddfod Garndolbenmaen a’r Cylch  
 Eisteddfod Môn  
 Eisteddfod Bro Llandegfan  
 Eisteddfod Gadeiriol Treuddyn  
 Eisteddfod Bro Llandegfan  
 Eisteddfod Gadeiriol Llanfachreth  
 Eisteddfod Flynyddol Abergynolwyn  
 Eisteddfod Gadeiriol Chwilog  
 Eisteddfod Garndolbenmaen a’r Cylch  
 Eisteddfod Flynyddol Abergynolwyn  
 Eisteddfod Gadeiriol Dyffryn Conwy, Llanrwst  
 Eisteddfod Gadeiriol Llanrhaeadr ym Mochnant  
 Eisteddfod Gadeiriol Llanrhaeadr ym Mochnant  
 Eisteddfod Stesion Trawsfynydd  
 Eisteddfod Gadeiriol Treuddyn  
 Eisteddfod Gadeiriol Dyffryn Conwy, Llanrwst  
 Eisteddfod Ieuenctid Bontnewydd  
 Eisteddfod Flynyddol Abergynolwyn

# COFNODION CYFARFOD BLYNYDDOL CYMDEITHAS EISTEDDFODAU CYMRU AWST 2018

**Yn bresennol:** Megan Jones (Cadeirydd), Bill Davies (Is-gadeirydd), Gwyn a Rhian Parry Williams (Cyd-ysgrifenyddion), Gareth Jones (Trysorydd), Shân Crofft (Swyddog Datblygu), Lois Williams (Swyddog Technegol) ynghyd ag oddeutu 35 o gynrychiolwyr o wahanol eisteddfodau.

**Ymddiheuriadau:** Dennis ac Enid Davies Eisteddfod Dyffryn Conwy, Llanrwst

**Croeso:** Estynnodd y Cadeirydd groeso i bawb i'r cyfarfod.

## 1. Anrhydeddu gwirfoddolwyr

Ar ddechrau'r cyfarfod, cynhaliwyd seremoni i anrhydeddu'r gwirfoddolwyr canlynol sydd wedi gweithio'n ddiflino er budd eisteddfodau lleol yn y De tros nifer helaeth o flynyddoedd. Cadeiriwyd y seremoni gan Megan Jones, Cadeirydd y Gymdeithas, gyda Garry Owen, BBC Cymru yn cyflwyno'r tystysgrifau i:

- Eirioes Ayres a Morfudd Davies – Eisteddfod Gadeiriol Tregaron
- Cangen Merched y Wawr – Eisteddfod Gadeiriol Llandudoch
- Gerald Coles – Eisteddfod Llanfihangel-ar-Arth a'r Plwyf
- Madge Daniels, Ioan Hefin Evans a Helen John – Eisteddfod Gadeiriol Mynyddygarreg
- Alan Davies – Eisteddfod Gadeiriol Rhydlewis
- Eirlys Evans – Eisteddfod Gadeiriol Llanarth
- Nansi Evans a Sara Humphreys Jones – Eisteddfod Abergorlech
- Wendy Griffiths – Eisteddfod Capel y Fadfa, Talgarreg
- Annie Gwendoline Herberts a Mair Jones – Eisteddfodau Teulu James Pantyfedwen, Pontrhydfendigaid
- Eirwen Jones – Eisteddfod Gadeiriol Llandyfaelog
- Meinir Morgan a Buddug Thomas – Eisteddfod Gadeiriol Yr Hendy
- Imogen Roderick - Eisteddfod y Plant, Llandrindod
- Marina Thomas – Eisteddfod Gadeiriol Pumsaint

## 2. Cofnodion

Cyflwynwyd a chadarnhawyd cofnodion o'r Cyfarfod Blynyddol a gynhaliwyd ar 8 Awst 2017.

## 3. Adroddiad y Cadeirydd ar ddatblygiadau'r flwyddyn

Cyfeiriodd y Cadeirydd at y materion canlynol:

- Bod y flwyddyn ddiwethaf wedi bod yn un prysur iawn i'r Gymdeithas ac 'roedd yn teimlo ein bod wedi sefydlu ein hunain erbyn hyn i fod yn apelgar i sawl gwahanol garfan o bobl a mudiadau gan gynnwys pwyllgorau'r eisteddfodau lleol a chenedlaethol, cystadleuwyr, beirniaid, cyfeilyddion a.y.b.
- Bod cydweithio rhwng y Gymdeithas a swyddogion y ddwy brifwyl wedi dwyn ffrwyth a gobeithir y bydd rhagor o gydweithredu'n digwydd yn y dyfodol.
- Gwerthfawrogir cyfraniad ariannol blynyddol Llywodraeth Cymru er lles a pharhad y gwaith arbennig a wneir yn enw'r Gymdeithas er budd yr eisteddfodau lleol.
- Tynnodd sylw at y weledigaeth gafodd Dr Aled Lloyd Davies yn sefydlu'r Gymdeithas, 20 mlynedd yn ôl.
- Yn dilyn ymddeoliad Huw Edwards y llynedd, fel Trysorydd y Gymdeithas, penodwyd Gareth Jones yn olynydd iddo.
- Cynhelir cyngerdd dathlu'r Gymdeithas yn 20 oed ym mhafiliwn Pontrhydfendigaid ar 1 Medi 2018 gyda rhai o gyn enillwyr cenedlaethol yn cymryd rhan. Cytunodd Garry Owen i arwain y noson. Tocynnau ar werth am £10. Derbyniwyd nawdd ariannol gan Ty Cerdd ar gyfer costau'r cyngerdd.
- Diolchodd i Gwmni Teithio Elfyn Thomas am gytuno i noddi'r raffl ar gyfer y flwyddyn nesaf.
- Y gwneir mwy o ddefnydd o'r wefan erbyn hyn a bod cynnydd yn y rhaglenni a ymddangosir arni ac sy'n cael eu lawrlwytho. Gwelir cynnydd hefyd yn y defnydd o'r gweplyfr a "Twitter".
- Mae mwy o bobl wedi tanysgrifio yn ystod y flwyddyn i dderbyn 'Steddfota.
- Derbyniwyd £7,480 gan Hanfod Cymru ar gyfer y Cynllun Ffatri Llais.
- Tynnodd sylw bod gan y Gymdeithas stondin ddwbl ar y maes eto eleni a stondin llai yn yr Wyl Cerdd Dant, Eisteddfod Genedlaethol yr Urdd ac Eisteddfod Cymru y Ffermwyr Ifanc.
- Nododd bod rhaglenni 38 o wahanol eisteddfodau ar y stondin eleni.
- Diolchodd i'r ddau swyddog am eu gwaith diflino er budd y Gymdeithas ac hefyd i'r cyd-ysgrifenyddion a'r is-gadeirydd.
- Diolchodd hefyd i'r holl wirfoddolwyr sy'n cynorthwyo ar y stondin yn ystod yr wythnos.

## 4. Adroddiad y Trysorydd

Cyflwynodd y Trysorydd fantolen a oedd yn dangos yr incwm a'r gwariant am y flwyddyn yn diweddu 31 Mai 2018.

Cytunodd y Cyfarfod Blynyddol i dderbyn y fantolen ariannol.

## 5. Ethol Swyddogion

(Cymerwyd y gadair ar gyfer yr eitem hon gan Terwyn Tomos – cyn gadeirydd y Gymdeithas)

Nododd Rhian Williams ei dymuniad i gael ei rhyddhau o'i swydd fel cyd-ysgrifennydd y Gymdeithas. Diolchwyd iddi am ei gwaith yn ystod y blynyddoedd.

Etholwyd y canlynol yn swyddogion am 2018/19:

Cadeirydd – Megan Jones

Is-gadeirydd – Bill Davies

Trysorydd – Gareth Jones

Ysgrifennydd – Gwyn Parry Williams

Diolchwyd i Megan Jones am ei gwaith fel Cadeirydd y Gymdeithas.

## 6. Unrhyw Fater Arall

Tâl Aelodaeth y Gymdeithas:

Nododd y Cadeirydd mai'r tâl aelodaeth presennol yw £15 y flwyddyn a gofynnodd am farn y cyfarfod os y dylid ei godi ai peidio. **Cytunwyd** i godi'r tâl aelodaeth i £20 y flwyddyn.

# GWEITHGAREDDAU A DATBLYGIADAU'R FLWYDDYN - CRYNODEB

## Eisteddfod Genedlaethol Caerdydd 2018

- Stondin ddwbl - llwyddiant
- Y Gystadleuaeth Gorawl - 7 côr yn cystadlu
- Cystadleuaeth Ensemble Lleisiol - Ysgoloriaeth y Gymdeithas - 4 ensemble yn cystadlu
- Nifer o weithgareddau'n cael eu cynnal yn enw'r Gymdeithas - Sesiwn Lenyddol yr Ifanc gyda'r Prifardd Ifor ap Glyn, Sesiwn farddoni gyda Bardd Plant Cymru - Casia Wiliam a Blas o Ffatri Llais gyda Sian Meinir
- Criw Stwnsh S4C yn galw'n ddyddiol i feirniadu'r gystadleuaeth ar y stondin

**Steddfota** - cynnydd eto yn y cylchrediad a'r nifer sy'n dymuno derbyn copi electronig

**Y Cyfryngau Cymdeithasol** - dal i gynyddu mae'r defnydd o'r wefan, Facebook a Twitter

Y Wefan: 89,189 Nifer o dudalennau a agorwyd o 24/7/2018 - 24/7/2019

Facebook: 1,969 wedi "hoffi" ein tudalen

Twitter: 614 o ddilynwyr (ers Hydref 2016)

## Cefnogi a chyd-weithio gydag eisteddfodau

- Cyngor a gwybodaeth gyffredinol e.e y Ddeddf Rheoli a Diogelu Data Cyffredinol (GDPR)
- Dylunio rhaglenni a deunydd marchnata
- Grantiau - prosiectau penodol
- Sgen Ti Dalent
- Y Raffl Fawr
- Hyrwyddo eisteddfodau ar ein gwefan a'r cyfryngau cymdeithasol
- Dosbarthu canllawiau yn ôl y galw e.e "Trefnu Eisteddfod" a "Gwasanaethau'r Gymdeithas"
- Dechreuwyd ar y gwaith o gasglu gwybodaeth am wirfoddolwyr drwy holiaduron
- Cydweithio'n agos gyda phwyllgor Eisteddfod Caerdydd - eisteddfod newydd sy'n cychwyn yn Ionawr 2020
- Dwy ardal arall wedi cysylltu gyda ni ynglyn ag ail-ddechrau eisteddfodau, sef Trefor a Llanberis

## Cyngerdd Dathlu 20 oed y Gymdeithas

Ar gychwyn mis Medi 2018 cynhaliwyd cyngerdd mawreddog ym Mhafiliwn Pontrhydfendigaid, gydag enillwyr cystadlaethau'r Gymdeithas dros y blynyddoedd. Cafwyd noson wefreiddiol i ddathlu'r garreg filltir bwysig hon.



**Ffatri Llais** (arweinydd: Sian Meinir, cyfeilydd: Sian Gwawr Davies)

- Medi 2018: Penarth - 6 o gantorion
- Ionawr 2019: Porthyrhyd - 8 o gantorion

Bydd y gweithdy olaf yn cael ei gynnal yn yr Hydref.

## **Gŵyl Cerdd Dant Blaenau Ffestiniog a'r Fro 2018**

Stondin yn yr ŵyl i werthu tocynnau raffl ac i ddosbarthu rhaglenni eisteddfodau lleol, yn ogystal â Steddfota a rhai canllawiau

## **Eisteddfod CFl Cymru 2018**

Yn anffodus nid oedd y swyddogion nag unrhyw wirfoddolwyr ar gael i fynychu'r eisteddfod y tro hwn

## **Eisteddfod Genedlaethol yr Urdd Caerdydd a'r Fro 2019**

- Stondin sengl mewn lleoliad da iawn - wythnos brysur iawn, gyda gwirfoddolwyr yn rhoi help llaw yn ddyddiol i'r Swyddogion
- Dros 1,000 o ymwelwyr wedi galw heibio'r stondin yn ystod yr wythnos
- Ffilmiwyd eitem ar y stondin gan S4C - cyfweiliad gyda swyddogion Eisteddfod Caerdydd (eisteddfod leol newydd sy'n cychwyn yn 2020)
- Criw Stwnsh S4C yn galw bob dydd i feirniadau'r ddwy gystadleuaeth ddyddiol
- Dosbarthwyd nifer o raglenni eisteddfodau a.y.b

## **Eisteddfod Genedlaethol Sir Conwy 2019**

- Y Gystadleuaeth Gorawl – 9 Côr yn cystadlu
- Cystadleuaeth Perfformio Darn Digri - 6 yn cystadlu
- Gweithgareddau sy'n cael eu cynnal yn enw'r Gymdeithas - Sesiwn Lenyddol yr Ifanc gyda'r Prifardd Ifor ap Glyn, Sesiynau Clocsio gyda Tudur Phillips, Barddoni gydag Anni Llŷn, Gweithdy Cymeriadu gydag Iwan John, Sesiwn Farddoni gyda Gruffudd Owen - y Bardd Plant Cymru newydd, a llu o bethau eraill
- Cystadlaethau dyddiol (criw Stwnsh yn beirniadu) a chystadleuaeth yr wythnos
- Tynnu'r Raffl Fawr ar y dydd Sadwrn olaf

# A D R O D D I A D      B L Y N Y D D O L      2 0 1 9

## INCWM A GWARIANT AM Y FLWYDDYN YN DIWEDDU 31 MAI 2019

	2018/19	2017/18
	£	£
<b>Incwm</b>		
Llywodraeth Cymru	45,056	44,620
Grant arall	7,480	0
Cyngor Sir Gâr	0	3,000
Nawdd a Rhoddion eraill	1,975	1,850
Tanysgrifiadau	1,678	1,050
Raffl y Gymdeithas	1,628	1,285
Incwm arall	1,251	0
	<b>59,068</b>	<b>51,805</b>

<b>Gwariant</b>		
Cyflogau Swyddogion Datblygu	29,894	28,674
Costau swyddfa Swyddogion Datblygu	7,804	7,252
Gweithgareddau a phrosiectau:		
Gweithgareddau eisteddfodau	5,325	6,890
Gweithgareddau yn yr eisteddfodau cenedlaethol	6,777	5,367
Cyngerdd Dathlu	3,607	0
Argraffu a phrynu nwyddau ac offer eraill	3,497	5,199
Costau rheolaeth a gweinyddol	1,579	1,648
	<b>58,483</b>	<b>55,030</b>

<b>Gweddill am y flwyddyn</b>	<b>585</b>	<b>(3,225)</b>
-------------------------------	------------	----------------

### Mantolen - 31 Mai 2019

	2019	2018
	£	£
<b>Asedau cyfredol</b>		
Dyledwyr	8,776	8,416
Arian yn y banc	1,154	8,455
	9,930	16,871
<b>Credydwyr</b>		
Incwm gohiriedig	0	(7,480)
Credydwyr – dyledus o fewn blwyddyn	(4,800)	(4,846)
<b>Asedau net</b>	<b>5,130</b>	<b>4,545</b>

<b>Cronfa wrth gefn</b>		
Ar ddechrau'r flwyddyn	4,545	7,770
Gweddill am y flwyddyn	585	(3,225)
<b>Ar ddiwedd y flwyddyn</b>	<b>5,130</b>	<b>4,545</b>



**Cymdeithas Eisteddfodau Cymru**